

RHAGADIOLUS. *Tournef. Vail. Juss.*

CALYX calyculatus ; exterior minimus ; interior simplex, sex ad octophyllus ; foliolis singulis semina marginalia includentibus, in stellulam patentibus, subulatis. Flores semiflosculosi omnes hermaphroditi. Pappus nullus.

RHAGADIOLUS STELLATUS.

LAPSANA calycibus fructûs undique patentibus ; radiis subulatis ; foliis caulinis lanceolatis, indivisis. *Lin. Spec.* 1141.

Rhagadiolus alter. *T. Inst.* 480.

Hieracium stellatum. *J. B. Hist.* 2. p. 1014. *IC.*

Hieracium narbonense falcatum. *Lob. IC.* 240.

Hieracium monspeliacum et narbonense. *Tabern. IC.* 185.

Endivia siliquis falcatis seu stellata. *Moris. s. 7. t. 1. f. 5.*

Rhagadiolus foliis oblongis dentatis. *Casalp.* 512.—*Vail. Acad.* 1721. p. 210.

CAULES ramosi. Rami dichotomi, divaricati, subaphylli. Folia glabra, lanceolata, dentata ; dentibus parvis, acutis, brevissime mucronatis ; caulina inferiora subrepanda ; ramea superiora sæpe integerrima. Flores juxta ramulorum longitudinem solitarii, breviter pedicellati. Folia calycina matura longa, subulata, stellata, pungentia, apice sæpe incurva ; singula semen unum, longum, gracile, subulatum involventia. Variat foliis glabris et hirsutis.

HABITAT in arvis. ☉

RHAGADIOLUS LAPSANOIDES.

LAPSANA Rhagadiolus ; calycibus fructûs undique patentibus ; radiis subulatis ; foliis lyratis. *Lin. Spec.* 1141.

Hieraciis affinis Rhagadiolus edulis. *J. B. Hist.* 2. p. 1014.

Hieracium falcatum alterum. *Rai. Hist.* 1. p. 256.

Rhagadiolus Lapsanæ foliis. *T. Cor.* 36. — *Vail. Acad.* 1721. p. 211.

AFFINIS præcedenti et forte varietas. Differt foliis radicalibus et caulinis inferioribus lyratis ; lobo terminali sæpe rotundato ; cæterum simillima.

HABITAT in arvis. ☉